

Reykjavík, 16. apríl 2021

Til:

Reykjavíkurborg / Skipulagsráð

Efni: Framtíð kænustarfs Siglingafélags Reykjavíkur - Brokeyjar í Nauthólsvík

Kæri formaður,


I samræmi við samþykkt borgarráðs þann 16.nóvember 2020 þar sem lagt er til að teknar verði upp viðræður við Brokey og að sett yrðir framtíðarsýn um siglingaraðstöðu í Fossvogi/nýrri byggð í Skerjafirði höfum við hjá Brokey átt nokkra fundi með Ómari Einarssyni, Frímanni A. Ferdinandssyni auk Björns Axelssonar skipulagsfulltrúa..

Meðal gagna sem lögð hafa verið fram er minnisblað frá Heilbrigðiseftirliti Reykjavíkur (HER) dagsett 27. janúar 2021 er varðar mögulega siglingaaðstöðu í Skerjafirði þar sem HER leggst gegn uppbyggingu aðstöðu fyrir siglingar í nýrri byggð í Skerjafirði (sjá viðhengi A). Þó að minnisblaðið fjalli aðeins um skipulagið í nýjum Skerjafirði hefur það alvarlegar afleiðingar varðandi núverandi aðstöðu og alla mögulega aðstöðu siglinga fyrir börn og unglinga í Reykjavík.

Í minnisblaðinu er gerð grein fyrir þeirri afstöðu HER að sjótengd starfsemi þurfi að vera í um 1 km fjarlægð frá Skólpdælustöðinni í Skerjafirði (kallað þynningarsvæði). Við nánari athugun okkar er minna en 1 km á milli allra skólpdælustöðva í Reykjavík auk þess sem skólpdælustöð í Kópavogi er aðeins í 300 metra fjarlægð frá núverandi aðstöðu Brokeyjar sem og siglingastarfsemi þeirrar sem Reykjavíkurborg (Siglunes) rekur við Ylströndina í Nauthólsvík (sjá viðhengi B).

Við óskum eftir því að Reykjavíkurborg / Skipulagsráð leysi úr þeirri stöðu sem upp er komin.

Með vinsemd og virðingu,



Ólafur Már Ólafsson,
formaður Siglingafélags Reykjavíkur - Brokeyjar.

Afrit sent:


Íþrótt- og tómstundasvið




Minnisblað – Flutningur á aðstöðu siglingaklúbbs og möguleg smábátahöfn í Skerjafirði

Vísað er til tölvubréfs skrifstofu skipulagsfulltrúa þann 8. janúar þar sem óskað er minnisblaðs frá Heilbrigðiseftirliti Reykjavíkur (HER) varðandi að koma fyrir siglingaklúbbi barna og unglunga í vikinni, hvort heldur vestan við dælustöð Veitna eða austanmegin. Einng var óskað eftir að fjallað yrði um hversu fýsilegt væri að koma fyrir minni smábátahöfn fyrir fullorðna einstaklinga austanmegin í vikinni í tengslum við boardwalk frágang við fjöruna.

Mynd 1. Fyrirhuguð aðstaða fyrir siglingaklúbb barna og unglunga



Mynd 2. Fyrirhuguð smábátahöfn



Þegar ráðist var í hreinsun strandlengjunnar í Reykjavík og tekin ákvörðun um að koma upp baðstað í Nauthólsvík var dælustöð fyrir skólp fundinn staður við Skeljanes til að tryggja að hætta á skólpmengun á baðstaðnum og aðstöðu fyrir siglingarklúbbs fyrir börn og unglinga væri í lágmarki. Dælustöðin er að sama skapi ekki með hefðbundna yfirfallsútrás til að minnka líkur á skólpmengun heldur einungis neyðarlúgu sem opnast beint í fjöruborðið. Á álagstímum s.s. vegna mikillar úrkomu, við viðhald og ef bilun verður rennur því óhreinsað skólp beint út í sjóinn við hlið stöðvarinnar. Það magn sem losnar er 1750 l/s. Fjarlægð baðstaðarins og siglingarsklúbbsins er rúmur kílómeter frá dælustöðinni.

Í fylgiskjali 2 við reglugerð nr. 798/1999 um fráveitur og skólp segir að þar sem útivistarsvæði eru við fjörur ellegar matvælaiðnaður í grennd skal fjöldi hitaþolinnna kólíbaktería eða saurkokka í a.m.k. 90% tilfella vera undir 100 pr. 100 ml utan þynningarsvæðis miðað við lágmark 10 sýni. Ef skoðuð eru mörk fyrir gerla í reglugerð nr. 460/2015 um baðstaði í náttúrunni þá gilda eftirfarandi mörk eftir gerð baðstaðar:

VIÐAUKI I
Viðmiðanir fyrir heilnæmi og gæði baðvatns á baðstöðum í náttúrunni.

Greiningar- þættir:	1. flokkur		2. flokkur		3. flokkur		Greiningaraðferð
	Ferskvatn	Sjór	Ferskvatn	Sjór	Ferskvatn	Sjór	
<i>Intestinal Enterococci</i> , fjöldi/100 ml	200	100	400	200	330	185	ÍST EN ISO 7899-1 eða ÍST EN ISO 7899-2
Saurkóligerlar (<i>Escherichia coli</i>), fjöldi/100 ml	500	250	1.000	500	900	500	ÍST EN ISO 9308-3 eða ÍST EN ISO 9308-1
Lágmarkstiðni sýnatöku vegna innra eftirlits:	10 sýni/ári ¹⁾		2 sýni/ári				

Ef óhreinsað skólp er losað í fjöruborð geta gerlatölur hlaupið á hundruðum þúsunda jafnvel meira og tugþúsundum þegar þynning eykst. Áhrifin í næsta nágrenni dælustöðvar eru mest en eftir því sem fjarlægð er meiri verður þynning það mikil að líkur minnka á því að gerlatölur fari yfir mörk. Mælingar HER á gæðum strandsjávar við hlið siglingaklúbbsins við Nauthólsvík hafa í meirihluta tilvika verið undir 100 pr/100 mL.

Að mati HER ætti hafnsækin starfsemi og þá sérstaklega starfsemi fyrir börn og unglinga ekki að vera staðsett í nágrenni skólpdælustöðvar. Á mynd 1 má sjá að aðstaðan yrði staðsett innan varnargarðs við hlið núverandi dælustöðvar. Ný dælustöð er teiknuð úti á garðinum. Aðstaða og athafnasvæði siglingaklúbbsins yrði því á áhrifasvæði dælustöðva. Ef neyðarlúga opnast verður gerlamengun í umhverfinu langt yfir leyfilegum mörkum. Erfitt er að meta hver lágmarksfjarlægð ætti að vera en benda má á að við núverandi staðsetningu eru örverufræðileg gæði strandsjávar góð. Ef álag verður of mikið eða bilun verður getur neyðarlúga opnast án fyrirvara og gerlamengun borist á það svæði sem börn og ungmenni eru að stunda siglingar á. Í skólpi eru auk saurkóligerla og enterokokka fjöldi sjúkdómsvaldandi örvera, m.a. ýmsar veirur s.s. Covid 19. HER leggst því gegn því að siglingaklúbbur fyrir börn verði staðsettur á þessum stað.

Hvað varðar smábátahöfn sem sést á mynd 2 þá ítrekar HER að slík starfsemi ætti ekki að vera í nágrenni skólpdælustöðvar. Umferð smábáta yrði um svæði sem hætta væri á gerlamengun ef neyðarlúga opnast. HER telur ekki æskilegt að beina útivist í formi siglingar inn á áhrifasvæði skólpdælustöðvarinnar og telur að slíkri aðstöðu ætti að finna stað í meiri fjarlægð.

Tekið saman af Svövu S. Steinarsdóttur heilbrigðisfulltrúa hjá einingu vöktunar, Heilbrigðiseftirliti Reykjavíkur, dags. 27. janúar 2021.



Faxaskjól
Neyðarlúga - Lokuð

Ananaust
Neyðarlúga - Lokuð

Ingólfsstræti
Neyðarlúga - Lokuð

Klettagarðar
Neyðarlúga - Lokuð

Laugalækur
Neyðarlúga - Lokuð

Gufunes
Neyðarlúga - Lokuð

Skeljanes
Neyðarlúga - Lokuð